

卷六十

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律焉無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷六十
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

明通議大夫都察院右副都御史大庾劉節廣

頌下

武都太守李翁西狹頌

漢武都太守漢陽阿陽李君諱翁字伯都天姿明敏敦
詩悅禮膺祿美厚繼世郎吏幼而宿衛弱冠典城有阿
鄭之化是以三劄符守綏黃龍嘉禾木連甘露之瑞動
順經古先之以博愛陳之以德義示之以好惡不肅而
成不嚴而治朝中惟靜威儀抑抑督郵部職不出府門
政約令行強不暴寡知不詐愚屬縣趨教無對會之事
傲外來庭面縛二十餘人年穀屢登倉庫惟億百姓有
蓄粟麥五錢郡西狹中道危難阻峻綠崖俾閣兩山壁

立隆崇造雲下有不測之谿院芒促迫財容車騎進不
能濟息不得駐數有顛覆實隊之閭過者創楚惴惴其
慄君踐其險若涉淵水嘆曰詩所謂如集于木如臨于
谷斯其殆哉困其事則爲設備今不圖之爲患無已勅
衡官有秩李瑾掾仇審曰常繇道徒鑿燒破析刻自確
嵬減高就埤平夷正曲柙跋土石堅固廣大可以夜涉
四方無雜行人懽懽民歌德惠穆如清風乃刊斯石曰
赫赫明后柔嘉惟則克長克君牧守三國三國清平誅
歌懿德瑞降豐稔民以眞植威恩並隆遠人賓服鑿山
浚瀆路以安直繼禹之迹亦世賴福

成陽令唐扶頌

君諱扶字正南潁川郟人也其先出自慶都感赤龍生

堯王有天下大號爲唐治致雍熹尊天重民禪位虞
光炙茅土通天三統苗胄枝分相土昧君曰氏唐焉累
取含祚受天之怙胤嗣彌光爲漢台輔君父孝廉郎中
早卒季父蜀郡蜀郡從弟會稽會稽從弟南陽君從兄
東萊太守南陽弟司空公在朝透隨正色竭忠爲國討
暴六侯俱封受土襲爵金縉十三君繼厥緒少有岐嶽
耽道好古孰書味詩綜緯河雒底究群典戈紐士進守
舞陽丞弱冠守昆陽尉潁陽令隱練州郡所臨有迹帝
嘉其德特拜郎中察能治處除豫章鄆陽長夷粵拊搃
彼強難化君奮威颺武視以好惡蠻貉振疊稽顙服
闕上前逋千有餘萬盜賊裝息境界晏然三載有成州
郡諱表遷成陽令承先聖之弘軌見讚像之高蹤遂與

無爲之治優賢賜歷表善緇惡遵九德以綏民崇晏晏
之惠康風移俗易莫不草心朝有公卓家有叅騫分邾
之治復隆於君追惟堯德廣被之恩依陵亳廟造立授
堂四遠童冠摠衣受業著錄千人朝益莫習衍衍閭閻
尼父授魯曷以復加靈祗瑞應木連理生白莧紫鳩遊
君園庭蕩蕩之治莫能名焉三司察功朝廷審真以君
威恩並流文武兼興東萊海濱須君以寧詔書換君昌
陽令吏民慕戀士女惟艱捺掌君車輪不得行君臣流
涕道路琅玕迫有詔命靡由復還於是故從事仲宇仲
授張躬萬龍督郵仲規郡掾閭葵關仲瑄處士王關董
額閭葵斑等乃共刊石樹頌歌君之美其辭曰

赫赫唐君帝堯之苗氏族不一各任所安本同末異蓋
謂斯焉君體煥炳有芬有馨如山如沍嵩如不傾如
如海澹如不盈惟直如矢秉銓據衡在朝肅肅閨門雍
雍廉踰伯叔絜如珪璋賦政于外爰及鬼方匯夷來降
寇賊迸亡黎庶攸寧黔首歡康以德綏撫宣恩六陽以
仁恤弱以義抑強恩由春夏威如秋霜賞罰分審白黑
著明憂者閔稚不侮寡矜眈樂道述咀嚼七經五六六
七訓導若神接下施與授財如損吏服其德民歸其恩
父父子子君君臣臣不師自舉不拘不煩囹圄空虛國
無窮民德及草虫滓流無根蝟飛蠕動咸賴我君顯顯
令稱德音常存

太廟頌

王仲宣

思皇烈祖時邁其德肇啓洪源貽燕我則我休厥成聿

先厥道丕顯丕欽允時祖考綏庶邦和四宇九功備彝
樂序建崇牙設璧羽六脩奏八音舉昭大孝衍妣祖念
武功收純祐於穆清廟翼翼休徵祁祁髦士厥德允升
懷想成位咸奔在官無思不若允觀厥崇

皇太子釋奠頌

傅長虞

蒸蒸皇儲既睿且聰神而用之夫豈發蒙謙以制禮靡
事不恭企茲良辰卜近於中乃脩嘉薦于國之雍敬享
先師以疇聖功疊疊皇儲希心闕里光光輿服穆穆容
止祇奉聖靈躬承明祀濟濟儒生侁侁胄子清酒干觴
匪宴斯喜欣道之弘自今以始

釋奠頌

潘正叔

元康元年冬十二月上以皇太子富於春秋而人道之
始莫先於孝悌初命講孝經于崇政殿實應天縱生知
之量微言奧義發自聖問業終而體達至三年春閏月
將有事於上庠釋奠于先師禮也越二十四日景申侍
祠者既齊輿駕次于太學太傅在前少傅在後恂恂乎
弘保訓之道宮臣畢從三率備衛濟濟乎肅翼翼之敬
乃埽壇爲殿懸幕爲宮夫子位于西序顏回侍于北墉
宗伯掌禮司儀辨位二學儒官搢紳先王之徒垂纓珮
玉規行矩步者皆端委而倍於堂下以待執事之命設
樽篚於兩楹之間陳壘洗於阼階之左几筵既而鐘懸
既列我后乃躬拜俯之勤資在三之義謙光之美彌邵
闕里之教克崇穆穆焉邕邕焉真先王之徽典不刊之
美業允不可替已於牲饋之事既終享獻之禮已畢釋

玄衣御春服弛齋禁反故式天子乃命內外群司百辟
卿士蕃王三事至于學徒國子咸來觀禮我后皆延而
與之燕金石簫管之音八佾六代之舞鏗鏘闐闐般辟
俛仰可以徵神滌欲移風易俗者罔不畢奏抑淫哇屏
鄭衛遠佞邪釋巧辯是日也人無愚智路有遠邇離鄉
越國扶老携幼不期而俱萃皆延頸以視傾耳以聽希
道慕業洗心革志想洙泗之風歌來蘇之惠然後知居
室之善著應乎千里之外不言之化洋溢于九有之內
於熙乎若典固皇代之壯觀萬載之一會也尼昔黍禮
官嘗聞俎豆今厠末列親覩盛美藏漬徽猷沐浴芳潤
不知手舞口詠切作頌一篇義近辭陋不足測盛德之
形容光聖明之遐度其辭曰

三元迭運五德代微黃精既亢素靈乃暉有皇承天造
我晉畿祚以大寶登以龍飛宣基誕命景熙遐緒三分
自文受終惟武席卷要變蕩定荒阻道濟羣生化流率
上後帝承哉不隆曾構奄有萬方光宅宇宙篤生上嗣
繼期挺秀聖敬日躋濬哲閔茂留精儒術敦閑古訓遵
道讓齒降心下問鋪以金聲光以玉潤如日之升如乾
之運乃延台保乃命學臣聖谷穆穆侍講閭闔抽演微
言啓發道真探幽窮曠溫故知新講業既終精義既研
崇聖重師卜日告奠陳其三牢引其四縣既戒既式乃
盟乃薦恂恂孔聖百王攸希疊疊顏生好學無違曰皇
儲后體神合機兆言先見知來洞微濟濟二宮藹藹庶
寮俊乂鱗萃髦士盈朝如彼和肆莫匪瓊瑤如彼儀鳳

樂我雲韶瓊瑤誰剖四門洞開雲韶奚樂神人允諧蟬
冕耀庭細珮振諧德以謙光仁以恩懷我酒惟清我肴
惟馨舞以六代歌以九成莘莘胄子祁祁學生洗心自
百觀國之榮學猶蒔苗化若偃草博我以文弘我以道
萬邦蟬蛻矧乃俊造鑽蚌瑩珠剖石擣藻絲匪玄黃水
罔方圓引之斯流染之斯鮮若金受範若埴在甄上好
如雲下效如川昔在周興王化之始曰文曰武時惟世
子今我皇儲齊聖通理緝熙重光於穆不已於穆伊何
思文哲後媚茲一人實副元首孝洽家邦光照九有純
嘏自晉末世昌阜微微下臣過充近侍猥躡風雲鸞鳳
是廁身澡芳流日玩盛事竭誠作頌祇詠聖志

盛德頌

陸士龍

余行經泗水高帝昔爲亭長於此瞻望山川意有恨然
遂奏章以通情焉并爲之頌云爾

晉太子舍人冀土臣雲稽首再拜上書皇帝陛下臣雲
頓首死罪伏惟陛下紹軒轅之濬哲越三代之高蹤膺
有聖之玄景詠生民之上略秦政肆虐漸疊生民在昔
上帝乃眷多方肅雍寶命鑒民顧天思文獻聖以宅神
器六合焮駕八荒錯企皇居於阿房倚逸鹿於九野謀
猷回邁天人匪柞乃蒨斯國授漢千夜京是以先詔五
緯章太素神母哀號底命丹野九垓闢授命之符鈞天
清建皇之鑒陛下螭蟠泗水龍躍下亭慶雲徘徊紫塵
熠爍皇威肇於斷蛇神武基於豐沛掩四緌以蓋天廓
玄謨以闢宇華宮山巖玉堂海紉雲蓋景陰金門林蔚

拔足崇長揖之賓吐食納獻規之容玄猷上通德輝下
濟仰翰雲禽俯躍魚魴是以四海之內莫不企景嶽以
接羣望廣川而鱗集乘山涉水視險若夷奔波闕廷思
効死節乃鳴鸞在衡奔驥服輅良平鳳栖信布虎據豪
雄凌暴於外奇謨補闕乎內威謀兼陳智勇畢効乃凌
河海河海無梁乃仆高山嶽華不重三秦席卷項籍灰
分通虜霧散遺寇雲徹泛時雨以清天灑狂塵以肅地
轡於川與竦峻蓋於蒼昊功濟宇宙德被羣生天人允
嘉民神協愛歷數在身有命將集而陛下猶復允執高
讓成功靡有普天歸德群后固請然後謁天皇於圓丘
巡萬乘於帝室率土離暴秦之亂臣妾蒙有道之惠戎
元蠻夷之虞雖趾肅慎之國莫非帝臣巍巍蕩蕩蓋天
臨地自啓闢以來有皇之美未有若聖功之著盛者也
臣雲頓首頓首死罪死罪臣以鄙倍文武無施忝寵本
朝承乏下位而臣遘愆自西徂東行邁攸止路經泗水
伏見史臣班固撰錄聖功竊承陛下扶桑始然天暉未
融之日嘗臨御此川於是即命舟人彌楫水泚瞻仰山
川舊物不替永惟聖輝罔識所憑遠眺邇全感物興哀
終懷靡及俯心遐慕臣命違千載之運身生四百之外
恨不得役力聖明之鑒寓目風塵之會揮戈前隊待罪
下軍抽鋒咸陽之關提鉞項籍之領痛心自悼不知所
裁行役之臣牽制朝憲雖懷彷徨王事靡盬肅將言邁
實銜罔極臣聞遊魂變化神道無方雖聖靈登遐降陟
在天連光五精流輝太一或冀神輿降觀薄倚五服時

邁王輅言巡茲邑是以下臣仰瞻紫宮俯要恍惚愚情
振蕩靡審所如不勝延頸紫微結心閭闔之情謹住水
濱拜章陳愚臣雲誠惶誠恐頓首頓首死罪死罪臣稽
首以聞臣雲言臣聞歌詠所以宣成功之烈詩頌所以
美盛德之容是以聞其聲則重華之道彌新存其操則
文王之容可覩未惟陛下聖德豐化比隆前代元勳茂
功超蹤在昔故詩歌之所依詠金石之所揄揚者也臣
謹上盛德頌一篇雖不足以仰度天高伏測地厚貴獻
狂夫區區之情臣雲云云晉太子舍人臣陸雲上於皇
漢祖纂胄有唐平章在昔文思百王丹輝栖列火精幽
光爰茲聖緒頹維弛綱靈曜熠爍濟景扶桑則天未墜
重見見其規尹可黃乾作峻厥德不回臣也能順極
河拓景襄岳殷韵龍章景偉虎質碩變有秦不競罔極
黔首震驚予師思處神主上帝曰咨天墜有赫乃眷伊
漢此惟予宅明明聖皇既受帝祉雲騰下邑風駭泗水
仰鏡天文五緯同晷俯察雲符神母爰止思文聖王克
廣克遐威凌群桀德潤諸華爰祀天人天人攸嘉爰輯
蒸徒所和既和既和既順乃矢德音豐沛之旅其會如
林朱旗虹超彤旆電尋推師蕭曹撫劍高吟元戎薄伐
時罔不龕凌波川潰肆野陸沉咸陽克殄既係秦后峩
峩阿房乃清帝宇穆穆聖皇天保攸定有項畔換不式
王命既愆黜我西土於鑠王師遵時匪怒爰赫乘豐席
卷三夏彈彈戎軒矯矯乘馬燹伐強楚至于垓下天誅
薄曜暴籍受首區夏既混宇宙蒙以肅肅帝居巍巍神

器有皇於登是臨天位繡文于裳組華于黻明明天子
有穆其容至止鏘鏘相惟辟公宣聲路寢發號紫宮頌
此愷悌以畜萬邦思樂皇慶協于時雍琴瑟在御大予
舞功越裳委贄肅慎來王明明聖皇闔國乘制分圭昨
勞河山命誓禮律克彰典文垂藝有漢恢恢疏罔不替
聖功克明九方孔安良宰內幹武臣外閑漸澤冀域沾
被戎蠻連光太素萬載不刊

河清頌

鮑明遠

臣聞善談天者必徵像於人工言古者先考績於今鴻
義以降遐哉邈乎鏤山嶽雕篆素昭德垂勳可謂多矣
而史編唐堯之功載格于上下樂登文王之操稱於昭
于天素孤玄玉聿彰符命朴牛文煥爰定祥曆書鳥動
色禾雉興讓皆物不盈皆而美溢金石頌聲為之而裨
詩人於是不作庸非感歎自我皇宋之承天命也仰應
龍木之精俯協龜水之靈君圍帝寶粲爛瑰英固以業
光曩代事華前德矣聖上天飛踐極迄茲二十有四載
道化周流玄澤汪濊地平天成含生阜熙文同軌通表
稟釐福曜德中區黎庶知讓觀英遐外夷貊懷惠秩禮
恤勤散露臺之金賑民舒國傾御邸之粟約違迫脅奢
去甚泰讌無留飲畋不盤樂物色異人優游鯁直顯靡
失心幽無怨魄精炤日月事洞天情故不勞仗斧之使
號令不肅而自嚴無辱鳳舉之事靈惟不名而自彰萬
里神行飈塵不起農商野廬邊城偃柝冀馬南金填委
內府馴象棲爵充羅外苑阿統纂組之饒衣覆宗國魚

鹽杞梓之利傍贍荒遐士民殷富繁軼五陵宮宇宏麗
崇冠三川閭閻有盈歌吹無絕朱輪疊轂華冕重肩豈
徒世無窮人民獲休息朝呼韓罷酷鐵而已哉是以嘉
祥累仍福應尤盛青丘之孤丹穴之鳥栖阿閣遊禁園
金芝九莖木禾六秀銅池發膏肓宜以謁薦郊廟和協
律呂煙霏霧集不可勝紀然而聖上猶夙興寐旦若有
望而未至宏規遠圖如有追而莫及神明之貺推而弗
居也是以琬碑鏤檢盛典蕪而不治朝神省方大化抑
而未許崇文協律之士蘊無頌於外坐朝陪宴之臣懷
揄揚於內三靈佇睠九壤注心既有日矣歲宮乾維月
遭蒼陸長河巨濟異源同清澄波萬壑潔瀾千里斯誠
曠世偉觀昭啓皇明者也語曰影從表瑞從德此其效
焉宣尼稱鳳鳥不至河不出圖傳曰俟河之清人壽幾
何皆傷不可見者也然則古人所未見者今殫見之矣
孟軻曰千載一聖是日暮也豈不信哉夫四皇六帝樹
聲長世大寶也澤浸羣生國富刑清鴻德也制禮裁樂
惇風遷俗文教也誅箠錡黜束頽象闕武功也鳴禽躍
魚條穢河渠至祥也大寶鴻德文教武功其崇如此幽
明同贊民祗與能厥應如彼唯天爲大堯實則之皇哉
唐哉疇與爲抑又聞之勢之所罩者淺則美之所傳者
近道之所感者深則慶之所流者遠是以豐功建命潤
色騰策盛德形容藻被歌頌察之上代則奚斯吉甫之
徒鳴玉鑾於前視之中古則相如王褒之屬馳金羈於
後絕景揚光清埃繼路故班固稱漢成之世奏御者千

有餘篇文章之盛與三代同風由是言之期迺臣子舊
職國家通議不可輟也臣雖不敏敢不勉乎乃作頌曰
窺刊崩石招逸殘竹巢風寂寥義埃綿邈鉅生大年瞻
學淵聞鑿繡成景粉績顛軒徒翫井科未覩天河亘古
通今明鮮晦多千齡一見書史登歌旋我皇駕揆景方
塗凌周躡殷蹶唐輓虞如彼七緯累壁重珠高祖撥亂
首物定靈更開天地再鑄羣生帝御三傑龍步八垌荆
南暨教海北騰聲淪深格高狹遐洞冥龜鼎遷宋玄圭
告成大明方微鴻光中微聖命誰堪皇曆攸歸謀從筮
協神與民推黃旗西映紫蓋東輝納瑞螭玉升政衡機
金輪豹飾珠冕龍衣正位北辰垂拱南面天下何思日
用罔倦復禮歸仁觀恒通變一物有違戚言毀膳非躬
簡法厚下安宅謙德彌光損道滋益孝崇饗祀勤隆耕
籍饘耐秋羊封燿春酪嬰耄兼梁鰥孤重帛體由學染
俗以教遷禮導刑清樂鬯風宣分衢讓齒折訟推田野
旌伏彥朝賞登賢儒訓優柔武節焮鷲文憲精弘戎容
犀利樞鈴明審程護周備吏礪平端民羞幸覬桴鼓疑
埃烽驛垂轡銷我長歸爲農器閩外水鄉鄣表炎國隴
首西南渤尾東北絕絕嶺丹渾渾泉黑移琛雲勉轉隼
叩熨狼歌薦功鳥譚陳德治博化光民阜財盛斑白行
謠青綺高詠雲表幽和物章明慶麗植雕質蠢行藻性
仁草晨莘德宿宵映海無隱颺山有黃落牛羊內首閭
戶外拓瑞木朋生祥禽董作薰風蕩閨飴露流閣器範
神妙劑調象藥匪直也斯偉慶芳溱注彼四瀆媚此雙

川伏靈遙紀閔貺遐年澄波 嶽鏡流恣山泉室凝澱
水府清涓俛瞰夷都降眦驪淵朱宮潛耀紫閣陰鮮昔
在爽德王風不昌廼溢廼竭或壅或亡潔源監壑曾是
未央先民未慨大道悠長雲何其實鍾我皇聞諸師說
天竦聽密分介焉如響匪遠惟疾矧是皇心妙夫貞一
左右天經戶牖人術訐謗布簡師言盈室穢有綿祀清
崇日一人之慶吹萬稟和靈根方固修源重波副睿貳
哲帝體皇柯景雲蔚嶽秀星駢羅垂光九野騰響四遐
輔車鼎足槃石虎牙世匹周室基未漢家泰階既平洪
河既清大人在上區宇文明樵夫議道漁父濯纓臣照
作頌鋪德樹聲

焦君贊

蔡伯喈

猗歟焦君常比玄墨衡門之下栖遲偃息泌之洋洋樂
以忘食鶴鳴九臯音亮帝側廼徵廼用將受袞職昊天
不弔賢人遘戾不惟一志并此四國如何穹蒼不詔斯
或惜哉朝廷喪茲舊德恨以學士將何法則

正考父贊

王仲宣

恂恂正父應德孔盛身為國卿族則公姓年在耆耄三
葉聞政誰能不息申茲約敬饘粥予口偃僂受命名書
金鼎祚及後聖

蜀漢君臣贊

楊文龍

贊昭烈皇帝

皇帝遺植爰滋八方別自中山靈精是鍾順期生傑起

龍驤始於燕代伯豫君荆吳越憑賴望風請盟挾巴跨
蜀庸漢以并乾坤復秩宗祀惟寧躡基履迹播德芳聲
華夏思美西伯其音開慶來世歷載攸興

諸葛丞相

忠武英高獻策江濱舉吳連蜀權我世真受遺衡整武
齊文敷陳德教理物移風賢愚競心僉其身誕靜邦內
四裔以綏屢臨敵庭實耀其威精大國恨於未夷

許司徒

司徒清風是咨是臧識受人偷孔音鏘鏘

關雲長張益德

關張赳赳出身匡世扶翼鵠上雄壯虎烈藩屏左右翻
飛電發濟于艱難贊主洪業侔迹韓耿齊聲雙德交符
無禮並致姦慝悼惟輕慮墮身匡國

馬孟起

驃騎奮起連橫合從首事三秦保據河潼宗計於朝或
異或同敵以乘豐家破軍亡垂道及德託鳳攀龍

法孝直

翼侯良謀料世興衰委質于主是訓是諮暫思經筭覩
事知機

龐士元

軍師美至雅氣睥睨致命明主忠情發臆惟此義宗亡
身報德

黃漢升

將軍敦壯摧鋒登難立功立事于時之幹

董幼宰

掌軍清節亢然恒常讜言惟司民思其綱

鄧孔山

安遠疆志允休允烈輕財果壯當難不惑以少禦多殊方保業

費賓伯

揚威才幹欵戲文武當官理任衍衍辯舉圖殖財施有義有叙

王文儀

屯騎主舊固節不移既就初命盡心世規軍資所恃是辨是裨

劉子初

尚書清尚勅行整身抗志存義味覽典文倚其高風好侔古人

麋子仲

安漢雍容或婚或賓見禮當時是謂循臣

王元泰何彥英杜輔國周仲宣

少府脩慎諫議隱行儒林天文宣班大化或首或林

吳子遠

車騎高勁惟其泛愛以弱制強不陷危墜

李德昂

安漢宰南奮擊舊鄉剪除蕪穢惟刑以張廣遷蠻濮國用用強

張君嗣



輔漢惟聰既機且惠因言遠思切問近對贊時休美和我業世

黃公衡

鎮北敏思籌畫有方導師襁褓遂事成章偏任東隅求命不祥哀悲本志放流殊彊

楊季休

越騎惟忠厲志自祗職于內外念公忘私

趙子龍陳叔至

征南厚重征西忠克統時選士猛將之烈

輔元弼劉南和

鎮南粗強監軍尚篤並豫戎任任自封喬

秦子勅

司農性才敷述允章藻麗辭理斐斐有光

李正方

正方受遺豫聞後綱不陳不僉造化異端斥逐當時任業以喪

魏文長

文長剛粗臨難受命折衝外禦鎮保國境不協不忘记節言亂疾終惜始實惟厥性

楊威公

威公狷狹取異衆人閑則及理逼則傷侵

馬季常衛文經韓士元張處仁殷孔休習文祥

經勤類士元言規處仁聞計孔休文祥或
才或臧播播述志楚之蘭芳

主國山李未南馬盛衡馬承伯李孫德李偉

南龔德緒王義彊

國山休風未南耽思盛衡承伯言藏言時孫德果銳偉
南篤常德緒義彊志壯氣彊

馮休元張文進

休元輕冠損時致害文進奮身同此顛沛忠生一人至
於弘大

程季然

江陽剛烈立節明君兵合遇寇不屈其身單夫隻役隕
於軍

程公弘

公弘後生卓爾奇精天命二十悼恨未呈

麋芳士仁郝普潘濬

古之奔臣禮有來偏怨典司官不顧大德靡有匡救倍
成奔北自絕于人作笑二國

白起贊

孫子荆

烈烈桓桓時維武安神機電斷氣濟歸然南折勁楚走
魏禽韓北摧馬服凌川成丹應侯無良蘇子八關嗷嗷
讒口火燎干原遂焚社郵與蕭俱燔惟其歿矣古今所
歎

韓信贊

孫子荆

淮陰屈節盤於幽賤秦失其鹿英雄交戰踐楚知亡撫

戈從漢遂寤明主超然虎奮威震趙魏擒項平難割據
山川稱孤南面惜哉邁歎一朝書叛

孫登贊

庾仲初

靈巖霞蔚石室鱗構青松標空蘭泉吐涌龍蒼可遊津
可漱玄谷蕭寥鳴琴獨奏先王體之寂坐幽岸凝水樸
熙陽靡煥潛貞內全飛榮外散凌崖高嘯希風朗彈道
有宜廢運有昏消達隱不巖玄跡不標或曰先生晦道
逍遙嵇子秀達英風朗烈道雋薰芳鮮不王折兆動初
萌妙鑿奇絕翹首丘真仰想玄哲

閑遊贊

戴安道

昔神人在上輔其天理知溟海之禽不以籠焚服養櫟
散之質不以斧斤致用故能樹之於廣漢棲之於江湖
載之以大猷覆之以玄風使夫淳朴之心靜一之性咸
得就山澤樂閑曠自此而箕嶺之下始有閑遊之人焉
降及黃綺逮于臺尚莫不有以保其太和肆其天真者
也且夫巖嶺高則雲霞之氣鮮林藪深則蕭瑟之音清
其可以藻玄瑩素庇其皓然者舍是焉故雖援世之彥
翼教之傑放舞雩以發詠聞乘桴而懍厲況乎導垂方
內體絕風塵理楫長謝歌鳳逡巡盪八疵於玄流澄雲
崖而願神者哉然如山林之客非徒逃人患避爭門諒
所以翼順資和滌除機心容養淳淑而自適者爾況物
莫不以適爲得以足爲至彼閑遊者奚往而不適奚侍
而不足故蔭映巖流之際偃息琴書之側寄心松栢取
樂魚鳥則澹泊之願於是畢矣然奇趣難均玄契罕遇

終古皆孤栖於一巖獨玩於一流苟有情而來亡有感而無對則綴斤寢絃之歎固已幽結於林中驟感於遐心爲日久矣我固遂求方外之美略舉養和之具爲雜贊八首暢其所托始欣閑遊之遐逸終感嘉契之難會以廣一往之誅以杼幽人之心云爾茫茫草昧綿邈玄世三極未鼓天人無際萬器既判朴乃翳寔有神宰忘懷司契冥外傍通潛感莫滯物順巢尚兼應夷惠緬矣遐心超哉絕步顧揖自王仰怡泰素矜其天真外其囂矜詳觀群品馳神萬慮誰能高佚悠然一悟

翟徵君贊

庾元規

天所謂至人者體包傑量神凝域表該落萬動玄心獨融故能虬驤慶霄而不繼卷龍之轡鳳鳴瑤林而不屈伶倫之籠豈必欣太清而樂瓊藹哉顧蹄泠不足以濯神鬚翳蒼不足以翔雲翮是故藐姑有綽約之廬箕阜有高嘯之宇唐勳表於玄庭憂功忘於虛室晉徵士南陽翟君稟逸韻韻於天陶含冲氣於特秀體虛任而委順恢昭曠而高蹈先生載營抱一泊然獨處神栖飈藹之表形逸巖澤之隅雖束帛仍降輶冕屢招而已旌屈於匪石帝命慙於虛復矣是以高風振宇宙遠誅冠當時方將表大庭於絕代恢玄解以釋分仰朝霞而晞翼陵扶搖以獨翔景命不延卒於尋陽之南山哲人其萎高軌孰倣余欽若之人風常問道於無何之廬賓想玄珠主以瞻授沐道霑淳固以實而歸矣自昔之違于茲七稔何悟先生忽矣升遐感至德之長泯悼仁風之未

翳標爾其傷潛然增欵乃援翰誅跡以宣來業其辭矣
卓哉先生逸韻遐超蚪盤玉津鳳戢瓊條條耳夏島高
揖唐朝洪崖邈矣玄跡載劬淳風沐世飛芳九霄

高士贊

沈休文

余之所謂高士者悠悠皆是請試言之聖人莅天下則
賢人贊務尚益臯陶是也自中智以下莫有不學以從
政佐國安民者也易曰聖人之大寶曰位非學則不得
也學所以行其志孝弟慈仁信義是也雖誦先王之典
謨而不行其志聖人之大寶亦不可得也要須學行兼
全然後取之悠悠之徒莫不攘袂而議進取怒目而爭
權利悅愚諂闇苟得忘廉若斯人者豈入國士之塗動
衣冠之眚籍此而登高位未或有也贊曰亦有哲人獨
執高志避世避言不友不事耻從汙祿厲志守節心
藜藿口絕炮斂取足落毛寧懷組織如金在沙顯然自
異猶玉在泥涅而不緇身標遠迹名重前記有美高尚
處知若無劣哉羣品事靜心驅苟能立志爭此足夫進
忘隕獲退守恬愉曰仁與義其徑不迂為之則至非物
所拘宦成名立陟彼高衢

廣文選卷第六十

江都葛澗校